

Aningaasaliisartut peqatigiiffii il.il. pillugit inatsimmi § 229-p ilaanik Kalaallit Nunaannut atuutilersitsineq pillugu peqqussut

UAGUT MARGRETHE AAPPAAT, Guutip saammaanneragut Danmarkip Dronningia, nalunaarpugut:

Aningaasaliisartut peqatigiiffii il.il. inatsimmi nr. 456, 18. maj 2011-meersumi § 235ⁱ naapertorlugu aalajangersarneqarpoq:

§ 1

Aningaasanik ingerlataqarneq pillugu inatsimmi, kunngip peqqussutaatigut nr. 1252, 15. december 2004-meersukkut Kalaallit Nunaannut atulersinneqartumi, pequssut nr. 1047, 1. september 201-meersukkut, pequssut nr. 838, 14. august 2012-meersukkut, pequssut nr. [inatsit 1553-mut tunngatillugu] aamma pequssut nr. [inatsit 1556-mut tunngatillugu], pequssutikkut allanngortinneqartumi, makku allannguutigittinneqarput:

1. (Kalaallit Nunaannut atuutilersinneqanngilaq)
2. § 5, imm. 1, nr. 5, imatut oqaasertalerneqarpoq:
 - »5) *Ingerlatseqatigiiffik aqutsisoq*: Ingerlatseqatigiiffik, ingerlataa nalinginnaasoq tassaalluni UCITS-inik aqutsineq, nr. 26 naapertorlugu«
3. I § 5, imm. 1, nr. 26-tut ikkunneqarpoq:
 - »26) *UCITS*: Aningaasaliisarfik, aningaasaliisartut peqatigiiffii il.il. pillugit Danmarkimi inatsit naapertorlugu ukuninnga pilersitsinissamut akuersissuteqartoq
 - a) Isumaqatigiissut naapertorlugu aningaasaliisartut aningaasaateqarfii ingerlatseqatigiiffinnit aqutsisunit aqunneqartut,
 - b) aningaasaateqarfittut (unit trusts) imaluunniit
 - c) malittarisassat naapertorlugit aningaasaliisarnermik ingerlatseqatigiiffittut (Kalaallit Nunaanni: aningaasaliisartut peqatigiiffii).«
4. § 10, imm. 3 aamma 4, atorunnaarput, taarsiullugulu ikkunneqarluni:
 - »Imm. 3. Ingerlatseqatigiiffiit aqutsisut, tassunga ilanngullugit aningaasaliisarnernik ingerlatsiviit, UCITS-inik aqutsinissamut kisermaassisuupput, tassunga ilanngullugit aningaasaliisartut peqatigiiffii. Aammattaaq aningaasaliisarnermik ingerlatsiviit immikkut peqatigiiffinnik, hedgeforeninginik, inuussutissarsiutigalugu peqatigiiffinnik aamma inuit ikittuinnaat peqatigiiffiini, aningaasaliisartut peqatigiiffii il.il. pillugit Danmarkimi inatsit naapertorlugu akuersisaasunik imaluunniit nalunaarsugaasunik aqutsinissamut kisermaassisuupput.«
 Imm. 5 matuma kingorna imm. 4-nngorpoq.
5. § 28-mi »tassaapput aningaasaliisarnermik ingerlatsiviit« kingorna ikkunneqarpoq: »imaluunniit ingerlatseqatigiiffiit aqutsisut«.
6. § 30, imm. 3-mi, nr. 1 sioqqullugu normutut nutaatut ikkunneqarpoq:
 - »1) siulersuisut suliassiisutaat malillugu UCITS-imik aqutsisoq, tassunga ilanngullugit aningaasaliisartut peqatigiiffiit,«

Nr. 1 aamma 2 matuma nr. 2 aamma 3-nngorput.

7. § 30, imm. 6-mi, oqaaseqatigiit aappaattut ikkunneqarpoq:

»Ingerlatseqatigiiffik aqutsisoq Kalaallit Nunaanni aqutsinissamik neqerooruteqarusuppat, ilanngussaq 6, nr, 7 naapertorlugu, Finanstilsyni nunami najugaqarfiusumi oqartussanit piginnaatitaasunit ingerlatseqatigiiffiup UCITS-imi peqqussut malillugu akuerineqarsimaneranik uppersaammik, ingerlatseqatigiiffiup akuersissutaata annertussusaanik ingerlatseqatigiiffiullu aningaasaliisarfinnik sorlernik aqutsinissaanut killilersuinerit pillugit allaaserisamik aamma aningaasaliisumiit naammagittaalliuutinik suliarinninnermi suleriaatsinik tigusaqassaaq.«

8. § 31, imm. 1-mi, oqaaseqatigiit tallimaattut ikkunneqarpoq:

»Ingerlatseqatigiiffik aqutsisoq Kalaallit Nunaanni aqutsinissamik neqerooruteqarusuppat, ilanngussaq 6, nr, 7 naapertorlugu, Finanstilsyni nunamit najugaqarfiusumi oqartussanit piginnaatitaasunit ingerlatseqatigiiffiup UCITS-imi peqqussut malillugu akuerineqarsimaneranik uppersaammik, ingerlatseqatigiiffiup akuersissutaata annertussusaanik ingerlatseqatigiiffiullu aningaasaliisarfinnik sorlernik aqutsinissaanut killilersuinerit pillugit allaaserisamik aamma aningaasaliisumiit naammagittaalliuutinik suliarinninnermi suleriaatsinik tigusaqassaaq.«

9. § 31, imm. 3-mi, nr. 1 sioqqullugu normutut nutaatut ikkunneqarpoq:

»1) siulersuisut suliassiisutaat malillugu UCITS-imik aqutsisoq, tassunga ilanngullugit aningaasaliisartut peqatigiiffii,«

Nr. 1 aamma 2 matuma kingorna nr. 2 aamma 3-nngorput.

10. § 39-p kingorna ikkunneqarpoq:

»Aningaasaliisarnermik ingerlatsiviup immikkoortortamit imaluunniit killeqarfimmik qaangiisumik kiffartuussisut UCITS-inik, aningaasaliisarfinnik aqutsinera

§ 39 a. Aningaasaliisarnermik ingerlatsiviup Europæiske Unionip iluani nunami allami imaluunniit aningaasanut tunngasunik Unionip isumaqatigiissuteqarfisaani nunami immikkoortortamiit UCITS-imik aqutserusuttoq, aamma § 30, imm. 1 naapertorlugu Kalaallit Nunaannik isumaqatigiissuteqarsimasooq, imaluunniit killeqarfimmik qaangiisumik kiffartuussisooq, §§ 38 aamma 39-mi takuneqarsinnaasunik Finanstilsynimut paasissutissanik nassiussinerup saniatigut ingerlatseqatigiiffiup mianernartunik aqutsinerata allaaserineranik aamma aningaasaliisartuniit naammagittaalliuutinik suliarinninnermut suleriaatsinik nassiussisaaq. Oqaaseqatigiinni siullerni taaneqartut paasissutissat Finanstilsynimit nunami sullissivigisami nakkutilliinnermi oqartussanut ingerlateqqillugit nassiuppagit UCITS-imi peqqussut malillugu akuerineqarsimaneranik uppersaammik, ingerlatseqatigiiffiup akuersissutaata annertussusaanik ingerlatseqatigiiffiullu aningaasaliisarfinnik sorlernik aqutsinissaanut killilersuinerit pillugit allaaserisamik Finanstilsyni aamma nassiussisaaq.

Imm. 2. Aningaasaliisarnermik ingerlatsivik, imm. 1-mi taaneqartut UCITS-inik aqutsisoq aningaasaliisarnermik ingerlatseqatigiiffiit sulinerat pillugu peqqussummi maleruagassanik eqqortitsisaaq, tassunga ilanngullugit aqqissugaaneq, mianernartunik aqutsinermi suleriaatsit aamma suliffiup iluani nalunaarusiornerit pillugit §§ 70 aamma 71 kiisalu suliassiineq pillugu §§ 102-105.

Imm. 3. Aningaasaliisarnermik ingerlatsivik, imm. 1-mi taaneqartut UCITS-inik aqutsisoq, UCITS-ip pilersinneqarnera ingerlanneqarneralu pillugit UCITS-ip nunagisaani aalajangersarneqartut maleruagassanik eqqortitsisaaq, tassunga ilanngullugit maleruagassat ukununga atuuttut

- 1) UCITS-imik pilersitsineq akuersinerlu,
- 2) pigineqataassutinik aktianillu atulersitsineq aningaasannortitsinerlu,
- 3) aningaasaliinissamut politikki aningaasaliinissamullu killiliussat, tassunga ilanngullugit peqataanermi pisussaaffigisani mianernartut akiitsullu naatsorsorneri,
- 4) taarsigassarsinermut, taarsigassarsitsinermut aamma matussuserneqanngitsunik niuernermut tunngasunik killiliinerit,
- 5) UCITS-imi pigisanik nalilinnik naliliineq naatsorsuutinillu ingerlataqarneq,

- 6) atulersitsinermi aningaasannortitsinermiluunniit nalinik naatsorsuineq aamma suliffiup nalinganik naatsorsuinermi kukkuneq kiisalu tassunga atatillugu aningaasaliisartunut taarsiineq,
- 7) iluanaarutinik iluanaaruteqartitsineq imaluunniit aningaasaleeqqinneq,
- 8) nalunaaruteqarnerit tamanullu saqqummiussinermut piumasaaqatit, tassunga ilanngullugit pilersaarut, aningaasaliisoq pillugu paasisstussat pingaernerit aamma piffissakkaartumik nalunaartarnerit, UCITS-i pineqartup eqqortitassai,
- 9) nittarsaanermut tunngasunik aaqqiinerit,
- 10) peqataasunut pissutsit,
- 11) kattunneq aamma UCITS-imi allannguilluni aqqissuussineq,
- 12) UCITS'ip atorunnaarsinnera aamma sulianik unitsitsineq,
- 13) peqataasup nalunaarsornerata imaa ilusaalu,
- 14) UCITS-imik akuersinermut nakkutilliinermullu akiliutit aamma
- 15) nr. 1-13 naapertorlugit peqataasut taasisinnaatitaaneri allallu peqataanissamut pisinnaatitaaffii.

Imm. 4. Aningaasaliisarnermik ingerlatsiviup UCITS-ip aningaasaateqarfimmi aalajangersagaani imaluunniit malittarisassaani aalajangersarneqarsimasunik pisussaaffinnik eqqortitsissaaq pilersaarummilu, nunami najugarisami maleruagassanut aalajangersarneqarsimasunut naapertuutissallutik, imm. 3 naapertorlugu

Imm. 5. UCITS-ip nunami najugaqarfiani oqartussat piginnaatitaasut imm. 3 aamma 4-p eqqortinneqarnerinik nakkutilliinissamut akisussaapput.

Imm. 6. Aningaasaliisarnermik ingerlatsiviup siulersuisui aningaasaliisarnermik ingerlatsiviup UCITS-ip pilersinneqarneranut ingerlanneqarneranullu maleruagassanik eqqortitsisinnaaneranut pisariaqartunik aaqqiinernik akuersinissamut naammassisaqarnissamullu aqqissugaanikkullu aalajangiinernut aalajangiisarlutillu akisussaapput, imm. 3 naapertorlugu, aamma pisussaaffiit aningaasaateqarfimmi aalajangersakkani imaluunniit malittarisassani aalajangersarneqartut, kiisalu pisussaaffiit pilersaarummi aalajangersarneqartut.

Imm. 7. Aningaasaliisarnermik ingerlatsiviup aaqqiineri aqqissugaanerilu naammannersut nakkutiginnissannut Finanstilsyni akisussaavoq, taamaalilluni aningaasaliisarnermik ingerlatsivimmit aqutamini UCITS-ip pilersinneqarneranut ingerlanneqarneranullu tunngasut pisussaaffii maleruagassallu eqqortinneqarsinnaallutik.

Imm. 8. Aningaasaliisarnermik ingerlatsivik Den Europæiske Unionip iluani nunami allami imaluunniit aningaasanut tunngasunik Unionip isumaqatigiissuteqarfigisaani nunami immikkoortortamiit UCITS-imik aqutsisoq, aamma § 30, imm. 1 naapertorlugu Kalaallit Nunaannik isumaqatigiissuteqarsimasoq, toqqorsiveqarfiup pisussaaffimminik isumaginninnissanut pisariaqartunik paasisstussanik paarlaasseqatiginneq pillugu toqqorsivimmik allakkatigut isumaqatigiissuteqassaaq.

§ 39 b. Aningaasaliisarnermik ingerlatsiviup Den Europæiske Unionip iluani nunami allami imaluunniit aningaasanut tunngasunik Unionip isumaqatigiissuteqarfigisaani nunami immikkoortortamiit UCITS-imik aqutsisup, aamma § 30, imm. 1 naapertorlugu Kalaallit Nunaannik isumaqatigiissuteqarsimasup, UCITS-ip pineqartup nunami najugarisaani oqartussanut piginnaatitaasunut uppersaasatit uku nassiutissavai:

1) Toqqorsisumik allakkatigut isumatigiissut, § 39 a, imm. 8-mi taaneqartoq.

2) Aningaasaliisarnermik ingerlatsinerup aamma UCITS-imut peqqussummut ilanngussaq II-mi taaneqartutut aqutsinerup iluani suliassanik suliassiineq pillugu paasisstussat.

Imm. 2. Aningaasaliisarnermik ingerlatsivik UCITS-ip pineqartup nunami najugarisaani taamaaqataanik UCITS-inik allanik aqutaqareerpat, oqartussanut piginnaatitaasunut nassiunneqareersimasumut uppersaasammut, imm. 1 naapertorlugu, innersuussineq naammappoq.

Imm. 3. Imm. 1-mi taaneqartuni uppersaasatini tamatuma kingorna annertuunik allannguisoqarnera pillugu UCITS-ip nunami najugarisaani aqunneqartumi oqartussat piginnaatitaasut aningaasaliisarnermik ingerlatsiviup nalunaarfissavai.

Kalaallit Nunaanni aningaasanik ingerlataqarfiit nunani allani suliffeqarfiit pigisaat«

11. § 43-mi imm. 5-tut ikkunneqarpoq:

»Imm. 5. Aningaasaliisartut peqatigiiffiini, immikkut peqatigiiffinni aamma hedgeforeningini pisassanik aningaasanik ingerlataqarfiup ingerlatitseqqinnerani aningaasaliisartut pillugit

paasissutissanik pingaaruteqartunik immikkuualuttunut aningaasaliisunut tunniussinerat pillugu maleruagassanik erseqqinnerusunik inuussutissarsiornermut siuariatornermullu ministeri aalajangersaasinnaavoq.«

12. § 52-mi »immikkut peqatigiiffiit« kingorna ikkunneqarpoq: », hedgeforening, inuussutissarsiuutigalugu peqatigiiffik«.

13. § 54, imm. 1-mi, »uku pillugit suliassat« kingorna ikkunneqarpoq: »UCITS, tassunga ilanngullugu«.

14. § 54, imm. 2-mi, »pissarsiassat« kingorna ikkunneqarpoq: »UCITS, tassunga ilanngullugu«.

15. (Kalaallit Nunaannut atulersinneqanngilaq)

16. § 99, imm. 2-mi, *oqaaseqatigiit aappaattut* ikkunneqarpoq:

»Taamaattorli siulersuisut imaluunniit qullersaqarfik inuit pineqartut aningaasaliisarnermik ingerlatsiviup pigisaani ingerlatseqatigiiffinni imaluunniit suliffissuarmut atasuni ingerlatseqatigiiffinni siulersuisuni ilaasortaasinnaanannut akuersisinnaapput, § 28 naapertorlugu«

17. § 100 imatut oqaasertalerneqarpoq:

»§ 100. Aningaasaliisarnermik ingerlatsivik uku isumaginiarlugit piukkunnartunik naammattunik inuttaqassaaq aamma pisariaqartunik suliassatigut immikkut ilisimasaqassaaq

- 1) taamatut ittumik UCITS-imik aqutsinissamut, tassunga ilanngullugit aningaasaliisartut peqatigiiffii allallu peqatigiiffiit, aningaasaliisarnermik ingerlatsiviup aqutai,
- 2) aningaasaliisarnermik ingerlatsiviup suliakkiutigisimasaanik suliassanik isumaginninnissamut naliliilluni, §§ 102-105 naapertorlugu,
- 3) peqatigiiffinnik aamma UCITS-inik aqunneqartunik aningaasaliinissamut aalajangiisinnaalluni aamma
- 4) aningaasaliisimanerit aamma inernerit anguneqarsimasut nalilerlugit, peqatigiiffiup siulersuisui imaluunniit aningaasaliisarnermik ingerlatsiviup siulersuisui peqatigiiffiup imaluunniit UCITS-ip pigisaanut tunngasunik suliassat isumaginissai pillugit isumaqatigiissuteqarsimappata.«

18. § 101, imm. 1-mi, »-nnga« kingorna: »UCITS, tassunga ilanngullugu« aamma »taamaallaat« kingorna ikkunneqarpoq: »pineqartup UCITS-ip imaluunniit«.

19. § 101, imm. 2-mi, »imaluunniit« kingorna ikkunneqarpoq: »UCITS aamma«.

20. § 101, imm. 3, imatut oqaasertalerneqarpoq:

»Imm. 3. Aningaasaliisarnermik ingerlatsiviup siulersuisui

- 1) UCITS-ip, peqatigiiffiit, immikkoortortat piginneqatigiiffiillu akornanni soqutigisatigut aporaaffiinnut tunngasunik politikkimik aalajangersaaneq kiisalu taakku akornanni illuani aamma aningaasaliisarnermik ingerlatsivik ingerlatseqatigiiffiillu allat, suliffissuarmi peqatigisai, aamma aappaani isumaqatigiissuteqarfigisat allat aningaasaliisarnermiki ingerlatsiviup sullitai allat,
- 2) UCITS-imik tassanilu peqataasut imaluunniit peqatigiiffiup taassumalu ilaasortaasa soqutigisaannik ajoqusiinnaasut soqutigisatigut aporaaffiit ersersillugit,
- 3) soqutigisatigut aporaaffiit sapinngisamik annertunerpaamik killilerlugit aamma,
- 4) immikkoortut aqutat ilaasa imaluunniit sullitat soqutigisaannik ajoqusiisoqaratarsinnaasoqarpat, pisuni ataasiakkaani, soqutigisatigut aporaattoqarnera paasineqarpat, illuatungeriit isumaqatigiissuteqarnissaat sioqqullugu, imaluunniit isumaqatigiissusiortoqarsimappat, soqutigisatigut aporaaffiup nalinginnaasumik imaa pillugu UCITS pineqartoq, peqatigiiffik imaluunniit sullitaiq ilisimatillugu.«

21. § 101, imm. 4-mi, »aamma peqatigiiffinnik aqutsineq« kingorna: »aamma UCITS« aamma »ilitsersuussinissamut pisussaaffiit« kingorna ikkunneqarput: »aamma pissutsini, UCITS-imut tunngasuni, ingerlatseqatigiiffiup siulesuisuisa ilitsersuussinissamut pisussaaffii, pineqartup UCITS-ip nunami najugaani maleruagassanik allanik peqanngippat«.

22. § 101, imm. 5, imatut oqaasertalerneqarpoq:

»Imm. 5. Aningaasaliisarnermik ingerlatsiviit soqutigisatigut aporaaffinnik qanoq ersersitsinissaat killeqartitsinissaallu pillugu maleruagassanik erseqqinnerusunik Finanstilsyni aalajangersaasinnaavoq.«

23. § 102 sioqqullugu qulequtaq imatut oqaasertalerneqarpoq:

»Nunani allaneersunik UCITS-inik aqutsinermut tunngasunik suliassanik aningaasaliisarnermik ingerlatsiviit suliakkiisinnaanerat«

24. §§ 102-105 imatut oqaasertalerneqarpoq:

»§ 102. Aningaasaliisarnermik ingerlatsivimmi siulersuisut suliassanik, nunami allameersumik UCITS-imik aqutsinermut ilaasunik suliassanik pineqartunik ingerlatsinissamut akuersissuteqartumut suliffeqarfimmut suliakkiutigisinnaavaat.

Imm. 2. Imm. 1 apeqqutaatinnagu nunami allameersup UCITS-ip pigisaanik imaluunniit pingaarnertut suliassanik allanik aningaasaliisoqarnissaa pillugu aalajangiinernik suliakkiisoqarnissaa pillugu siulersuisut aalajangiisinnaangillat, imm. 7 naapertorlugu Siulersuisulli § 103, imm. 1-mi piumasaqaatinik naammassinnittumik suliffeqarfimmik, aamma nunamut allameersumut UCITS imaluunniit ingerlatseqatigiiffimmut allamut toqqorsiviuunngippat, § 98 naapertorlugu, soqutigisai pineqartumut UCITS-imut tassanilu peqataasut soqutigisaannut akerliuppata suliassanik isumaginninneq pillugu isumaqatigiissusiorsinnaapput.

Imm. 3. Aningaasaliisarnermik ingerlatsiviup siulersuisui suliassiinissaq pillugu aalajangiippata, imm. 1 aamma 2 naapertorlugu, suliassiinerup kingunerissavaa aningaasaliisarnermik ingerlatsiviup suliaanik kinguneqarluarnerusumik ingerlatsilerneq aamma suliassiissummut tunngasumik nunami allameersup UCITS-ip kinguneqarluarnerusumik aqunneqalernera, aamma §§ 103-105-mi takuneqarsinnaasunik piumasaqaatinik eqqortitsilluni.

Imm. 4. Aningaasaliisarnermik ingerlatsiviup aamma toqqorsiviup pisussaaffii, §§ 106 aamma 107 naapertorlugu, isumaqatigiissummut ilaangitsumut suliassanik siulersuisut suliassiinerannik eqqorneqassangillat.

Imm. 5. Suliassat suliassiissutigineqartut isumagineqarnerinik nakkutilliineq siulersuisunit isumagineqassaaq, §§ 103-105 naapertorlugu

Imm. 6. Siulersuisut allaffissornikkut suliassat ilai ima annertutigisut aningaasaliisarnermik ingerlatsivik ingerlatseqatigiiffittut suliaqarunnaarsillugu suliassiissangillat, nunamit allameersumik UCITS-imik aqutsinermut atatillugu suliassat eqqarsaatigalugit.

Imm. 7. Pingaarnertut suliassani suut suliassaanersut, imm. 2 naapertorlugu, aamma peqatigiiffiup qanoq suliassanik suliassiissutigineqartunik malersuisarnissaa pillugu aalajangersakkanik Finanstilsyni erseqqinnerusumik aalajangersaassaaq.

§ 103. Aningaasaliinermik ingerlatseqatigiiffiup suliffeqarfiit ingerlatseqatigiiffiup suliassanik suliassiissutigisai suliassanik pineqartunik isumaginninnissamut piukkunnaateqarneri pisinnaanerilu qulakkiissavaa. Pisuni suliassiissut aningaasaliisarnermik ingerlatsinermut tunngasuulluni pigisanik nalilinnik aqutsineq siunertaralugu akuersissuteqartunut imaluunniit nalunaarsugaasunut suliffeqarfimmut suliassanik siulersuisut taamaallaat suliakkiuteqarsinnaapput, taamaattorli § 102, imm. 2 takuuk, aamma nakkutigineqartut.

Imm. 2. Suliffeqarfik, aningaasaliisarnermik ingerlatsiviup suliassanik suliassiissutigisimaffia pisuni ataasiakkaani aningaasaliisarnermik ingerlatseqatigiiffiup siulersuisuniit taamaallaat akuersineratigut suliassanik suliassiissutinik taakkuluunniit ilaanik suliffeqarfimmut allamut ingerlatitseqqissinnaavoq, taamaallaallu suliassiineq taanna UCITS-ip aqunneqartup kinguneqarluarnerusumik aqunneqalerneranik kinguneqarpat.

Imm. 3. Siulersuisut suliassanik suliassiissuutaasa aningaasaliisarnermik ingerlatsivinni aamma UCITS-inik aqunneqartunik kinguneqarluartumik nakkutilliineq akornusissangilaa, aammattaq aningaasaliisarnermik ingerlatsiviup peqataasut soqutigisaannik nunanit allameersup UCITS-ip aqutsinermik ingerlataqarnera aqutsineraluunniit akornusersortussaanaq.

§ 104. Suliassanik suliassiinermi suliassiinermut isumaqatigiissut piffissap qanoq ilineraniluunniit ingerlatat suliffeqarfimmit suliassiiffigineqartumit ilumut ingerlanneqarnerinik piviusumik

nakkutilliinissamut aningaasaliisarnermik ingerlatsiviup aqutsisuisa periarfissaqarnerat aningaasaliisarnermik ingerlatsiviup qulakkiissavaa.

Imm. 2. Suliassiinermut isumaqatigiissutip suliffeqarfimmu suliassinneqartumut piffissap qanoq ilineraniluunniit ilitersuusseqqissinnaanera akornusissanngilaa, aamma isumaqatigiissut ingerlaannartumik sunniuteqartumik atorunnaarsillugu, tamanna UCITS-ip aqunneqartup soqutigisaaniippat.

§ 105. Aningaasaliisarnermik ingerlatsivik suliassiinermik isumaqatigiissuteqarnerup kingusinnerpaamik ulluinaat arfineq pingasut kingorna, § 102, imm. 1 aamma 2, aamma § 103, imm. 2 naapertorlugu, isumaqatigiissutip imarisaa piumasaqaatililu pillugit Finanstilsynimut nalunaaruteqassaaq.

Imm. 2. Isumaqatigiissutit suut nalunaaruteqarnissamut pisussaaffimmu taassumalu ilusissaanut ilaanersut pillugit maleruagassanik erseqqinnerusunik Finanstilsyni aalajangersaassaaq.«

25. § 106 sioqqullugu qulequtaq imatut oqaasertalerneqarpoq:

»Aningaasaliisartut peqatigiiffii, immikkut peqatigiiffiit, hedgeforeningit, inuussutissarsiutigalugu peqatigiiffiit aamma inuit ikittuinnaat peqatigiiffiit pillugit toqqorsivittut ingerlatsivinnut immikkut maleruagassat«

26. § 106, imm. 1, imatut oqaasertalerneqarpoq:

»Toqqorsivittut ingerlatsivik peqatigiiffiup immikkoortotai immikkut sinnerlugit peqatigiiffiup pigisai nalillit aqullugillu toqqorsimassavai. Toqqorsivittut ingerlatsivik peqatigiiffiit ataasiakkaat sinnerlugit suliap piviusumik isumaginissaanut aningaasatigut sulianullu tunngasutigut naammattumik isumannaarissaaq.«

27. § 106, imm. 2, nr. 1, imatut oqaasertalerneqarpoq:

»1) peqatigiiffiup ataatsip atulersitsinera aningaasanngortitsineralu kiisalu ilaasortat pigineqataassutaannik atuuttussaajunnaartitsinera aningaasaliisarnermi peqatigiiffiit il.il. pillugit Danmarkimut inatsimmi maleruagassat aamma malittarisassat naapertorlugit isumagineqassapput,«

28. (Kalaallit Nunaannut atulersinneqanngilaq)

29. § 106-mi imm. 3-6-tut ikkunneqarput:

»Imm. 3. Toqqorsivittut ingerlatsivik aningaasaliisartut peqatigiiffiannut Den Europæiske Unionip iluani nunami imaluunniit aningaasanut tunngasutigut Unionip isumaqatigiissuteqafigisaani nunami nunaqartumik aqutsivimmu ulluinnarni aqutsineq siulersuisunit suliassiissuteqartumut toqqorsivittut ingerlatsiviuppat taava toqqorsivittut ingerlatsivik, aningaasaliisartut peqatigiiffiata siulersuisui aamma aqutsivik, peqqussut una, aningaasaliisartut peqatigiiffii il.il. pillugit Danmarkimut inatsisit taakua malillugit maleruagassat atuutilersinneqartut malillugit toqqorsivittut ingerlatsiviup pisussaaffini isumaginissaanut pisariaqartut paasissutissanik paarlaasseqatigiinneq pillugu allaganngorlugu isumaqatigiissusiussapput.

Imm. 4. Toqqorsivittut ingerlatsivik pingaarnertut imaluunniit ingerlatitseqqiffittut aningaasalersuisartuusumik aningaasaliisartut peqatigiiffiannut toqqorsivittut ingerlatsiviuppat, kisiannili pingaarnertut-ingerlatitseqqiffittut aqqissugaasumi peqatigiiffinnut marluusunut imaluunniit ingerlatsivinnut (UCITS) toqqorsivittut ingerlatsiviunani, aningaasaliisartut peqatigiiffii il.il. pillugit Danmarkimut inatsimmi § 5, imm. 4, nr. 2 naapertorlugu, toqqorsivittut ingerlatsiviit marluullutik pisussaaffitik isumaginissaat qulakkeerniarlugu paasissutissanik paarlaasseqatigiinneq pillugu toqqorsivittut ingerlatsivimik allamik isumaqatigiissuteqassaaq.

Imm. 5. Pingaarnertut aningaasaliisarfimmu aningaasaliisartut peqatigiiffiannut toqqorsivittut ingerlatsivik, pingaarnertut aningaasaliisarfimmu tunngasunik malittarisassanik malinninngitsoq paasineqaruni ingerlaannartumik Finanstilsynimut nalunaassaaq. Malittarisassanik malinninnginnerit, oqaaseqatigiit siulliit naapertorlugu, ingerlatitseqqiffimmu ajortumik kinguneqarsinnaasutut isigineqarpata, tamanna imaluunniit taassuma aningaasaliisarnermik ingerlatsivianut imaluunniit

aqutsivimmut aamma taassuma toqqorsivittut ingerlatsivianut toqqorsivittut ingerlatsiviup nalunaarutigissavaa.

Imm. 6. Finanstilsyni makku pillugit maleruagassanik erseqqinnerusunik atulersitsisinnaavoq

- 1) toqqorsivittut ingerlatsiviup peqatigiiffinnut toqqorsivittut ingerlatsivigisaminut pisussaaffii,
- 2) Den Europæiske Unionip iluani nunami imaluunniit aningaasanut tunngasutigut Unionip isumaqatigiissuteqafigisaani nunami nunaqartumik aqutsivimmut ulluinnarni aqutsinermi suliaasiissuteqartumut aningaasaliisartut peqatigiiffianut toqqorsivittut ingerlatsiviup pisussaaffii,
- 3) toqqorsivittut ingerlatsiviup ingerlatitseqqisarfirmut taassuma toqqorsivittut ingerlatsivianut nalunaarnissamut pisussaaffii, imm. 5 naapertorlugu
- 4) peqatigiiffinnut toqqorsivittut ingerlatsigisamut tunngasunik pissutsit pillugit toqqorsivittut ingerlatsiviup Finanstilsynimut nalunaaruteqarnissamut pisussaaffia, aamma
- 5) imm. 3-mi isumaqatigiissutip taaneqartup imarisai.«

30. § 121, imm. 2-mi, »immikkut peqatigiiffiit,« kingorna ikkunneqarpoq: »inuussutissarsiuutigalugu peqatigiiffiit,«.

31. § 141, imm. 1-mi, »peqatigiiffiit« kingorna ikkunneqarpoq: »kiisaluni nunani allani UCITS«.

32. § 157-mi »inuussutissarsiuutigalugu peqatigiiffiit« kingorna ikkunneqarpoq: »kiisalu aningaasaliisartut, UCITS-iusut.«

33. (Kalaallit Nunaannut atulersinneqanngilaq)

34. § 346-p kingorna ikkunneqarpoq:

»§ 346 a. Inatsisip aamma maleruagassat, Finanstilsynimit aamma UCITS-imit Den Europæiske Unionip iluani nunami allami imaluunniit aningaasanut tunngasutigut Unionip isumaqatigiissuteqafigisaani nunami nunaqartumit, aamma § 30, imm. 1 naapertorlugu Kalaallit Nunaannik isumaqatigiissuteqarsimasumik, aamma peqatigiiffiit taaneqartut sinnerlugit toqqorsivittut ingerlataqartut akuerineqarsimasumik peqatigiiffinnik aningaasaliisarnermik ingerlatsiviit aqutsinernut tunngasunik eqqortitsisoqarnissaa qulakkeerniarlugu Danmarkimi aamma kalaallit nunaanni oqartussanik allanik Finanstilsyni suleqateqarsinnaavoq. Oqartussanut allanut, Danmarkimeersunut imaluunniit Kalaallit Nunaaneersunut, aqqissugaanernut imaluunniit inunnut suliaasanik Finanstilsyni suliaasiisinnaavoq.

§ 346 b. Den Europæiske Unionip iluani nunami ilaasortaasumi allami imaluunniit aningaasanut tunngasutigut Unionip isumaqatigiissuteqafigisaani nunami, aamma § 30, imm. 1 naapertorlugu Kalaallit Nunaata isumaqatigiissuteqarfigisimasaani oqartussat piginnaatitaasut Finanstilsynimit qinnuigineqarsinnaapput naalagaaffimmi ilaasortaasumi allami nakkutilliilluni ingerlataqarnermi, summiffimmi nakkutilliinermi imaluunniit misissuinermi, Den Europæiske Unionip iluani nunami allami imaluunniit aningaasanut tunngasutigut Unionip isumaqatigiissuteqafigisaani nunami nunaqartumit, aamma § 30, imm. 1 naapertorlugu Kalaallit Nunaannik isumaqatigiissuteqarsimasumik, aningaasaliisarnermik ingerlatsiviup UCITS-imit aqutsineranut tunngasunik inatsimmik, aamma inatsit naapertorlugu maleruagassanik atulersinneqarsimasunik eqqortitsisoqarnerani nakkutilliinermi peqataaqullugu.

§ 346 c. Kalaallit Nunaanni nakkutilliilluni ingerlataqarnermi, summiffimmi nakkutilliinermi imaluunniit misissuinermi peqataanissaq pillugu Den Europæiske Unionip iluani nunami allami imaluunniit aningaasanut tunngasutigut Unionip isumaqatigiissuteqafigisaani nunami, aamma § 30, imm. 1 naapertorlugu Kalaallit Nunaata isumaqatigiissuteqarfigisimasaani oqartussanik piginnaatitaasunik Finanstilsyni suleqateqassaaq, Den Europæiske Unionip iluani nunami allami imaluunniit aningaasanut tunngasutigut Unionip isumaqatigiissuteqafigisaani nunami, aamma § 30, imm. 1 naapertorlugu Kalaallit Nunaata isumaqatigiissuteqarfigisimasaani UCITS-imit aqutsisumik aningaasaliisarnermi ingerlatsiviit, imaluunniit aningaasaliisartut peqatigiiffiat, Finanstilsynimit nakkutigineqartoq, kisiannili nunami ilaasortaasumi allami ingerlataqartoq pineqartillugit.

Imm. 2. Den Europæiske Unionip iluani nunami ilaasortaasumi allami imaluunniit aningaasanut tunngasutigut Unionip isumaqatigiissuteqafigisaani nunami, aamma § 30, imm. 1 naapertorlugu

Kalaallit Nunaata isumaqatigiissuteqarfigisimasaani oqartussat piginnaatitaasut UCITS-imik nunami allameersumik, oqartussat piginnaatitaasut pineqartut, imm. 1 naapertorlugu, nakkutigisaannik nakkutilliinermi imaluunniit misissuinermi peqataaqullugu Finanstilsyni qinnuigippassuk, kisiannili Kalaallit Nunaanni aningaasaliisarnermik ingerlatsivimmit imaluunniit Kalaallit Nunaanni aningaasaliisartut peqatigiiffiannit aqunneqarluni, imm. 1 naapertorlugu, Finanstilsyni pisinnaavoq

- 1) Nammineerluni nakkutilliineq imaluunniit misissuineq ingerlatissagaa,
- 2) Oqartussat qinnuteqartut nammineerlutik nakkutilliinermi imaluunniit misissuinermik ingerlatsinissaat akueralugu, imaluunniit
- 3) kukkuneriusumut imaluunniit immikkut ilisimasalik alla nakkutilliineq imaluunniit misissuineq ingerlatsillugu.

Imm. 3. Nunami allameersut oqartussat piginnaatitaat misissuinerannut Kalaallit Nunaanni aningaasaliisarnermik ingerlatsivik akerliuppat, imm. 2 naapertorlugu, misissuineq taamaallaat Finanstilsynip peqataaneratigut ingerlanneqarsinnaavoq.

Imm. 4. Den Europæiske Unionip iluani nunami allami imaluunniit aningaasanut tunngasutigut Unionip isumaqatigiissuteqarfigisaani oqartussanik piginnaatitaasunik suleqateqarneq pillugu maleruagassanik erseqqinnerusunik Finanstilsyni aalajangersasinnaavoq.«

35. § 355, imm. 2, nr. 14-mi, »Aningaasaliisarnermik peqatigiiffiit« imatut allanngortinneqarpoq: »Aningaasaliisarfiit, UCITS-iusut, tassunga ilanngullugit aningaasaliisartut peqatigiiffii«.

36. § 361, imm. 1-mi, nr. 30 aamma 31-tut ikkunneqarput:

»30) Nunani allani aningaasaliisarfiit aningaasaliisartut peqatigiiffii il.il. pillugit Danmarkimi inatsimmi §§ 18 aamma 19-mut ilaasut ukiumut 8.000 kr.-inik akiliissapput.

31) Aningaasaliisarfinni piginneqataassutininik killeqarfiit qaangerlugit nittarsaaneq pillugu nalunaarummut, nalunaaruteqarnermut imaluunniit qinnuteqarnermut ataatsimut, aningaasaliisartut peqatigiiffii il.il. pillugit Danmarkimi inatsimmi §§ 18-21 naapertorlugu, 2.500 kr.-inik akiliisoqassaaq.«

37. Ilanngussaq 6 imatut oqaasertalerneqarpoq:

»Aningaasaliisarnermi ingerlatsiviup sulinera

1) Aningaasaliisartut peqatigiiffii il.il. pillugit Danmarkimi inatsit malillugu akuersissuteqartut aningaasaliisartut peqatigiiffiinik aningaasaliinernik ingerlatsineq, aqutsineq nittarsaanerlu.

2) Aningaasaliisartut peqatigiiffii il.il. pillugit Danmarkimi inatsit malillugu akuersissuteqartut immikkut peqatigiiffiinik aningaasaliinernik ingerlatsineq, aqutsineq nittarsaanerlu

3) Aningaasaliisartut peqatigiiffii il.il. pillugit Danmarkimi inatsit malillugu akuersissuteqartut inuussutissarsutigalugu peqatigiiffiinik aningaasaliinernik ingerlatsineq, aqutsineq nittarsaanerlu

4) Aningaasaliisartut peqatigiiffii il.il. pillugit Danmarkimi inatsit malillugu akuersissuteqartut inuit ikittuinnaat peqatigiiffiinik aningaasaliinernik ingerlatsineq, aqutsineq nittarsaanerlu

5) Aningaasaliisartut peqatigiiffii il.il. pillugit Danmarkimi inatsit malillugu akuersissuteqartut hedgeforeninginik aningaasaliinernik ingerlatsineq, aqutsineq nittarsaanerlu

6) Aningaasaliisartut peqatigiiffii il.il. pillugit Danmarkimi inatsit malillugu akuersissuteqartut aningaasaliisarnermi ataatsimoortumik aaqquussinernik aningaasaliinernik ingerlatsineq, aqutsineq nittarsaanerlu

7) UCITS-inik aningaasaliinernik ingerlatsineq, aqutsineq nittarsaanerlu.«

§ 2

Peqqussut ulloq x. xx 2015-mi atuutilissaaq.

ⁱ Aalajangersagaq ima oqaasertarpoq: »Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakuusumilluunniit Savalimmiunut aamma Kalaallit Nunaanut atulersinneqarsinnaavoq, Savalimmiuni aamma Kalaallit Nunaanni pissutsit naapertorlugit allannguuteqartillugu.«